



Inuit Ataqatigiit Inatsisartuni

18. august 2006

Inatsisartut Suleriaasianni § 36, imm. 1 naapertorlugu Naalakkersuisunut apeqput imaattoq matumuuna saqqummiuppara:

Ukiuni naatsorsuiffiusumi 2003-imi INI A/S-ip naatsorsuutaani takuneqarsinnaavoq INI A/S pappilissanik nalilinnik pisisimasoq kr. 250 mio. nalinganut. Nunatsinni inissaaleqisorpassuaqarnera eqqarsaatigalugu pappilissanik nalilinnik INI A/S-ip pisisimanera Naalakkersuisut qanoq tunngavilersuuteqartinneraat apeqputigerusuppara. (Inatsisartunut ilaasortaq Olga P. Berthelsen, Inuit Ataqatigiit)

- 1) Naalakkersuisunut apeqputigerusuppara INI A/S-ip 2003-imi pappilissanik kr. 250 mio.-inik nalilinnik pisisimaneranut suna tunngavilersuutaanersoq.
- 2) Aammattaaq apeqputigerusuppara pappilissanik nalilinnik pisinerup kingorna INI A/S pappilissanut nalilinnut ukiuni 2004 aamma 2005 qanoq iluanaaruteqarsimanersoq.
- 3) Pingajuattut paaserusuppara inissaaleqisorpassuit saniatigut, inissianik nalinginnaasumik iluarsartuussiniarnermut imaluunniit aserfallatsaaliuinermit akissaqannginnerartuarneq, pappilissanik kr. 250 mio.-inik nalilinnik pisisimanermit naleqquttuunersoq.
- 4) Aamma paaserusunnarpoq sooq Namminersornerullutik Oqartussat nittartagaanni suliffeqarfiit Namminersornerullutik Oqartussanit pigineqartut ukiumut naatsorsuutaat nutaajunerusut piarneqarsimanersut, taamaallaat ukiumut nalunaarutit 1994-imiit 2000-iinnarmut killittut kisimik takuneqarsinnaalerlutik. Tassami suliffissuit taakkua inuiaqatigiinnut ammasumik ingerlanissaat siunertaagaluarami.